

aa2^r

Den Hochgelerten Fürfichti-
gen vnd Weifen Herren/ Burgermeiftern vnn
Rath/ der Statt Nürnberg/ meinen Gebietenden
vnn Günftigen Herren.
HOchgelert Fürfichtig Erbar
vnn Weiße Herren/ es ift on allen zweiffel
E. F. E. W. gnugfam kundt vnd wiffendt/
mit was großem fleiß vnn hohem ver-
ftandt/ alle Künft vnd fcharpffinnige er-
findung/ was vns dann zu zeitlicher wol-
fart/ vnn leiblicher erhaltung nutz vnn
notwendig/ von den Alten (vnferen vorfa-
ren) erflichen erfunden vnn auffbracht/
auch mit was großer fürfichtigkeit/ vns
die felbigen jhre vielfeltige nutzliche erfin-
dungen (als jhren nachkommenden) alfo
gutwilliglichen mitgetheilet vnd nachgelaffen haben. Welche Künft vnd
mancherley fcharpffinnige erfindung/ ob fie gleich wol alle famen inn ge-
mein/ dahin fürnemlichen gericht findt/ das fie jederman/ nach mancher-
ley gelegenheit vnd notturfft/ nützlichen vnd vortheilig feyend/ mercken
wir doch das eine für der andren/ ein fonderlichen zweck/ oder gefetztes 3yl
für jhr hat/ darauff fie inn fonderheit gerichtet ift. Dann (wie gnugfam
für augen) find etliche folcher vilfeltigen Künft/ vnn fcharpffinnigen
erfindungen/ fürnemlichē auff kommen/ vnd bißher in ftetigem gebrauch
blieben/ darumb das fie für andren zu freundlicher/ friedlicher/ vnd ge-
felliger Menfchlicher veramlung/ oder Bürgerlichen ftandts vnn we-
fens/ alfo gar notwendig/ das jr keins wegs mit fûg zu geraten. So wer-
den auch der mehrer theil in ehren vnd wirden gehalten jrer fonderlichen
frucht vnd nutzbarkeit halb/ die fie teglichen bringē mögen/ wie vns daß
weiter auch etliche allein von wegen/ das fie faft luftig vnd kurtzweilig/ in
fonderheit anmütig vnd wolgefellig find/ vnd wirt alfo war genommen/
das ein jede Künft (wie gefagt) auff ein fonderlich endtlich fürnemmen
gerichtet ift. So wir aber alle Künft vnn fcharpffinnige erfindungen
(nicht allein daffelbig fo vns von den alten vnferen vorfaren/ alfo gutwil-
liglichen mit getheilet worden/ fonder auch alles das/ was vberlangft her
nach/ vnd noch teglichen new erfunden vnd auff bracht wirt) für vns nem-
men/ vnd mit fleiß nach diefer ermelten abtheilung/ oder vnterfcheidung/
erwegen/ vnn erfuchen/ befinden wir/ das vnter allen Künften keine ift/
die zu dem felbigen/ das jhr in keinen weg zu manglen oder geraten/ auch
damit folchen vilfeltigen trefflichen nutz/ vnd vnglaublichen vortheil brin-
ge/ vnd zu dem allen auch mit folcher fonderlichen ergetzlichkeit/ gelernet/

geübt/ vnd gebraucht werde/ als die trefflich Kunft der Architectur/ welche billich von allen verftändigen die nützlichft/ notwendigft/ lieblichft Kunft/ für den andern allen geachtet wirt. Aber diefes orts werde nicht nach gemeinem brauch für die Architectur verftanden/ mancherley arbeit

aa ij der

aa2^v

Vorrede.

der Steinmetzen/ Mawrer/ vnd dergleichen/ welcher arbeit vnd hilff sich der erfahren/ fleißig Architectus/ als eines bequemen Instruments oder Werckzeugs gebraucht/ fonder (nach der meinung vnd Lehr des aller Eitelsten vnd Hochberühmpten Architecti Vitruuij) sol durch das Wörtlin Architectur ein solche Kunft verstanden werden/ die mit vilfeltigen anderen Künften/ dermassen geziert ist/ das der/ so diser Kunft erfahrē ist/ auß gewissem/ fatterm Grund/ vnd guten verstand die Werck vnd scharpffinnige erfindung/ aller anderer Künftlicher Werckleuth/ Judicieren oder vrtheilen mag/ vnd dabey feiner eygner Werck wisse recht grundliche vrfachen anzuzeigen/ vnd endlichen darauß erfuchē vnd schliessen/ alles das/ was vns zu zeitlicher vnd leiblicher vnderhaltung/ zur notturfft/ Luft vnd nutzbarkeit/ reichen mag/ füglichē/ vnd auß gutem verstand/ in das Werck zu ordnen/ vnd bawen. Dann ob auch gleich wol von dē alten Heidenischen Philofophen/ vnd fleißigen erkündigern natürlicher ding/ etliche der opinion vñ meinūg gewesen/ das sich das Menschlich geschlecht zu anfang/ vñ wegen des nottūfftigē gebrauchs des Waffers/ oder des Fewrs/ vereinigt vnd zusammen gethon haben solt/ zu gefelliger beiwohnung. Achten wir es doch gantzlichen darfür/ (so wir die notturfft vnd nutzbarkeit der wonung Gebew betrachten) das die Kunft der Architectur/ die aller erste vrfach gewesen sey/ dieser vereinigung/ zu freundlicher beywohnung der ersten Menschen. Dann je diese treffliche gutthat keiner andrē Kunft/ noch scharpffen erfindung/ billicher zugemessen werden mag/ dann eben der erste ansehenden/ vnd new auff kommenden Architectur/ welche vns nicht allein anweisung geben/ für Vngewitter/ Hitz/ Froft/ Wind/ Kelt vnd Regen/ vns zuuerficheren vnd bewaren/ fonder auch für mancherley gefehrlichkeit bößhafftiger Menschen/ wilder vnd grimmiger Thier/ vnd andere dergleichen/ vilfeltige gefehrlichkeit/ vnd vnbillichē bedrang/ zuuerfichern/ beschirmen vnd beschützen/ auch Leib vnd Leben/ durch mancherley vorthail zuerrettē. On welche hilff Menschlichem geschlecht/ auß angeborner blödigkeit/ nicht wol möglich gewest wer/ dermassen durch fouil Alter/ auff zu steigen/ vnd sich zuuermehren. Dann wir noch heutigs tags für augen sehen/ das allein diese Kunft vñ vilfeltige scharpffinnige erfindung/ das fürnembt vnd notwendigft mittel ist/ dadurch wir in fridlicher/ Bürgerlicher beywohnung/ vns erhalten/ ernerer/ vnd auff bringen/ also das wir nicht wol anderft halten oder erachten köndten/ dann das vns diese Kunft von GOTT dem HERREN/ auß sonderlichem Genedigem/ Väterlichem willē/ vnd scheidung/ zu Schutz vnd Schirm Menschlicher vnuermöglichkeit/ verliehen vnd geben sey. Dann so wir für das erste (als das notwendigft vnd höchst zeitlicher wol-

fahrt) die mittel betrachten/ durch welche Menfchlicher Cörper in langwiriger gefundtheit/ vnd den leblichen Krefften erhalten wirt/ befindet ſich Klarlich/ das die ſelbigen den mehreren theil/ auß difer Kunft ihren vrfprung haben. Wie dañ die gewaltigē/ herrlichen Gebew/ der Antiquē/ die zu mancherley leiblicher Übung/ vnd refection/ mit folchen mercklichē vnkoften erbawen/ der vngleublich wer/ wo nit augenfcheinliche Exempel/ der zerfallen Gebew Thermarum, Gymnafiorum, Palæftrarum, Theatrorum/ mit ihren fonderlichen eingebewen/ noch heutigs tags vor augen geſehen wurden/ bezeugen/ vnnd in fonderheit die mechtigen Aquæducten/ oder

aa3^r

Vorrede.

oder Wafferleitungen/ fo mancherley art vnnd gefalt/ wunderbarlichen durch dife Kunft geführt/ vnd bezwungen/ nit allein zu leiblicher erhaltüg vnnd notturfft/ fonder auch andrer taufentfaltiger nutzbarkeit. Alfo das wir frey bekennen müffen/ das nichts auff erden/ dardurch Menfchlicher Cörper/ Stand/ Wefen/ vnnd handel/ erhalten wirt/ das nicht aus difer Kunft (als auß einer gefchlachten Wurtzel/ mancherley Fruchtbare Eft vnnd Zweig) entfprungen fey. Dann vber die geringen Werck mancherley notwendiger Inftrument des Ackerwercks/ vnnd Veldbaws (dardurch wir alle erneret werden) deß gleichen aller anderer Werckleuth/ bequemen zeug (fo wir vmb kurzze willen vberfchreiten) hat vns diefe fürtreffliche Kunft erfunden vnnd auffbracht/ die Wafferreichen Brunnen quellen/ nicht allein von einem ort an das ander/ manigfaltiger weiß zu leiten/ fonder auch in der tieffe der Erden/ die Adren der Waffer zu erfuchen/ die hohen Berg/ vnnd harte Schruffen der Fellen zu durchgraben/ jhre höhe der ebne zu vergleichen/ die tieffen Tall erfchütten/ vnnd in die höhe auff zu führen/ Wag/ Weiher vnnd See fallen/ vnnd verdammen/ die tieffen Sumpff erfchöpfen/ vnnd ertrucknen/ die ftarcken Fluß der Waffer/ in gewiffe Staden zu richten/ vnd jhren Lauff vnnd Trieb nach gefallen/ mancherley Weg zuuerwenden/ vnnd durch das Bawwerck der Schiff/ diefelbigen fampt dem gantzen Meer allenthalben zu durch Schiffen/ die Gefaden mit Port vnnd Meerhaffen zuuerficheren/ vber die groffen vnnd kleinen Wafferfluß/ mancherley zu Brucken/ deß gleichen Künftliche Müllwerck vnnd mancherley Wafferkünft/ darann zu richten/ dann was diefer nutzlichen vnnd notwendigen Künftlichen Werck feind/ werden alle durch den Grund vnnd rechten verftandt diefer Kunft der Architectur zu wegen gebracht. Ob wir gleich von kurzze wegen der Herrlichen/ Gewaltigen/ vnnd Mechtigen Gebew/ zu erhaltung Chriftlicher Religion Gefiftet/ als Kirchen/ Tempel/ Gottsheufer/ deßgleichen was gemeine Bürgerliche Policey vnnd Regiment betrifft/ als die Herrlichen anfichtigen Pallaft der Gericht vnnd Rathheuser/ Zeugheuser/ Schatzkammeren/ Hofpital/ Königliche vnnd Fürftliche Höfe/ vnnd aller gemeiner vnd fonderlicher Bürgerlichen wonung/ vnnd Luft Gebew/ die mit folcher groffer magnificentz vnnd herrlichkeit/ allenthalben in wolgeordneten Policeyen erbawen feind/ nicht gedencken wolten. Als auch weiter der aller notwendigften Gebew/ zu befertigung der Stätt/ Schlöffler vnnd Flecken/ durch dife Kunft erfunden/ als Ring mawren/ Stattporten/ Thurn/ Gräben/ Bollwerck/ Pafteyen/ Schütten/ Wahl/ vnnd der gleichen/ mit jhren vorthailen vnnd Wehren/ wie dann folche für Gewalt vnd vnbillichen bedrang zu freyer/ ficherer/ Bür

gerlicher wohnung/ Handthierung/ vnd Gewerb/ von nöten/ sampt al-
ler Künftlicher Machination/ in welchen die Natur durch die Künftli-
che erfindung der Architectur/ vbertroffen wirt/ als Geschütz/ Hebzeug/
Ziehe zeug/ vnd dergleichen Taufentfältige/ vnzalbare/ Künftliche Me-
chanische Instrument/ welche alle auß der Architectur dermassen jhren
vrsprung haben/ das sie ohn die selbig/ als jhres eygnen Fundaments be-
raubt/ keins wegs bestehē mögen. Also auß disen warhafftigen Argumen-
ten vnnd vnzweyffelhaftiger erweifung/ gnugsamlichen bezeugt werden
mag/ das dise Kunst der Architectur/ sampt jren angehörigē theilen/ vn-
aa iij der

aa3^v

Vorrede.

der allen Künften vnd ſcharpffinnigen erfindungē/ die nützlichſt notwendigſt/ vnd dabey die aller lieblichſt vnd luftigſt ſey/ durch welche fürnemlichē ein jede wolgeordnete Policy/ vnd Bürgerlich Regiment/ zu jeder zeit/ des fridens vnd vnfridens/ frey/ ſicher/ rūwig vñ gnüglich mit höchſter wolfart des gemeinē nutz/ ſtandhaftig vnd fridlich erhalten/ vñ löblichen/ in Reichthuñ vnd tugendē/ vermehret werden mög. Wie dañ weiter mit allen Gewaltigen Hiſtoricis gnugſam bezeugt werden möcht/ vñ in ſonderheit durch die trefflichen Exempel Archimedis/ vnd anderer berühmter Künftlicher Architecten. Darauß nun billich zu ſchlieffen/ das die ſelbigen/ welche auß ſonderlichem hohem verſtandt/ vilfeltiger erfarnuß/ ſcharpffinniger nachtrachtung/ vnd mancherley übung/ diſe treffliche Kunſt der Architectur/ nit allein erfunden/ auff bracht/ vnd gemehret/ ſonder auch in Schrifften geſtellet/ vnd vns nach kommenden mitgetheilet haben (on allen zweiffel/ ſolcher ſonderlichen gutthat/ vnd hohen verdienſts gegen gemeinem nutz/ groſſes lob vnd ehrē würdig ſeind. Wie dann bißher ein ſolchs herrlichſ lob von allen denen/ ſo dieſer ſachen verſtendig/ in ſonderheit (für andren allē/ ſo von der Architectur je Schriftlich gehandelt/ vnd jren verſtand angezeigt/ vnd den nachkomēnden mitgetheilet haben) Dem aller Elteſten/ Erfarneſten/ Hochberühmten/ vñ Namhaftigſten Architecto Vitruuio/ zu geſchriben wirt. Dadurch dann auch die ſelbigen Bücher/ welche er mit höchſtem fleiß von der Architectur beſchriben/ vnd in ein ſolche fügliche vnd bequeme ordnung geſtellet hat/ das in kurtzer Summa diſe gantze Kunſt/ mit allen jren angehörigē theilen/ als in einem klaren Spiegel für augen fürgelegt werden mag/ bey allen Künſtneren/ nit allein als ein theurer/ vnd Koſtbarlicher Schatz/ ſonder als der rechte warhaftige grund/ vnd aller gewiſſet Fundament/ aller/ der Architectur angehörigen Künften/ in hohem werd erhalten worden/ vnd auch biß auff diſe zeit/ noch als ein getrewe vnbetrügliche wegleitung/ vñ anweiſung aller Künftlichen Mathematiſchen ſpeculation/ von allen Künſtneren in ſonderheit gebraucht wirt. Welcher vrfach halb ſich dann auch bißher vil trefflicher/ Wolgelehrter/ Namhaftiger Leuth mancherley Nation vnderſtanden/ diſe Bücher Vitruuij in jrer Mütterlichen (aber doch vns Teutſchen) frembden vñ vnbekandten ſprachen/ allen Kunſtliebhabenden zu ſonderlichem vorthail mit zutheilen/ nach den ſelbigen jhre Werck vnd ſcharpffinnige erfindungen/ gleich als nach einer gewiſſen vñ ſcharpffen Regel zu richten. Wie dann noch heutiges tags diſe herrliche Künftliche Bücher Vitruuij bey andren außländiſchen Nationen in mancherley ſprachen Tranßferiert worden/ fürnemlichen in Italiāniſcher/ auch hernach in Hiſpaniſcher/ vnd jetzund in Frantzöſiſcher

fcher Sprachen/ welche aber doch (wie gefagt) dem Teutfchen Kunft begiri-
gen Lefer dē mehrer theil frembd/ alfo das allein durch mangel der tranß
lation/ oder Verteutfchung/ diefe herrliche Bücher vnnd Koftbarlicher
Schatz / den Teutfchen Künftneren noch bißher vnbeant/ verborgen
vnnd vnuerftendig blieben. Dieweil aber auch diefer zeit/ in welcher alle
Künft/ vnd fcharpffinnige erfindung/ von tag zu tag/ je höher gebracht
werden/ von fouil herrlichen/ trefflichen Jngemien/ Teutfcher Nation/
dardurch die felbig allen anderen außländifchen Nationen/ nicht allein
Conferiert/ fonder auch die felbigen/ in hohem verftandt/ weit vbertref-
fen

aa4^r

Vorrede.

fen mag/ folcher nutzlichen/ vnd gemeinem nutz/ vnd wolffahrt notwendi-
ger arbeit vnd mühe/ noch keiner als eins vnmöglichen fürnemmens hat
vndernemmen wollen (fouil mir dann zuwilffen) Bin ich auß fonderlicher
wolmeinung/ vnd höchfter begirde/ gemeinem nutz vorab/ deßgleichen al-
len/ der fcharpffinnigen Mathematicchen Künfft (fouil die felbigen der
Architectur angehörig) Liebhaberen/ zu dienē/ vnd wilfaren bewege wor-
den/ dife fchwere mühe auff mich zu nehmen/ vilgemelte Bücher der Archi-
tectur/ nach höchstem vermögen/ meins geringen verftandts/ zu Tranß-
ferieren vnd in gemeiner/ verftendlicher/ Teutfcher Sprach/ allen Künfft-
liebhaberen/ durch den Truck/ gutwilliglichē mit zu theilen. Dieweil aber
dife Bücher vom Hoherfarnen Vitruuio/ mit folchem groffen verftand/
vnd trefflicher fürfichtigkeit befchribē/ vnd geordner/ das nit allein alles
daffelbig/ was zu rechtem verftand/ Künftlichs vnd ordenlichs Bawens
fonder in allen anderen/ der Architectur angehörigen Mathematicchen
Künfftē/ vnd Mechanifcher erfindung/ notwendig erfordert werdē mag/
alles fo gar in kurtzer Summa/ begriffen vnnd gefaffet/ das zu beforgen
geweft/ das die getrewe vnderichtung diefer Bücher/ villeicht den fleiffi-
gen erforscheren/ diefer Künftlichen fachen/ etwas dunckel vnnd fchwer/
vnd nicht allenthalben verftendlich/ Fürnemlichen aber dieweil auch erli-
che ding/ in fonderheit was die befertigung d⁹ Gebew/ vnd fcharpffinnige
erfindung mancherley Machination des Gefchützes betrifft/ nach der zeit
Vitruuij/ doch auß den erften grund der Architectur erfunden. Wie dan
auch weiter andre ding/ durch langwirigen brauch/ ftetige Übung/ fleiffig
nachtrachten/ deßgleichen nach vilerley Land fitten/ vnnd gebrauch/ ge-
endret/ vnnd auch etwan gebetteret worden. Zu dem/ das dife ding/ für-
nemlichen der vrfach halb/ dem Teutfchen Lefer frembd vnnd vnbekant
feind. Dieweil bißher bey vns Teutfchen derfelbigen wenig in Schriff-
ten gedacht/ oder auß Sattem Grund gehandelt oder Tractiert worden.
Bin ich derhalben/ noch weiter verurfacht worden/ zu müßigen zeiten/
bey neben meiner fürhabenden Profeffion/ der Hochlößlichen Künfft der
Medicin/ zu fonderlicher ergetzung vnnd Recreation nach dem Herrli-
chen Exempel/ anderer trefflicher Künftner als Lucæ Paccioli, Cæfaris
Cæfariani, Benedicti louij, Boni Mauri, Leonis Baptiftæ, Gulielmi Philandri, Se-
baltiani Serlij, Petri Nonij, Orontij Finei, Nicolai Tartaleæ, &c. vnnd andere
mehr/ der Architeceur vnnd derfelbigen angehörigen Künfft Hochuer-
ftendige/ deren Schrifften ich mich fürnemlichen in diefem fürhaben
als getrewer Preceptoren gebraucht/ auch wie die felbigen/ in jren fremb-
den Sprachen dife Bücher Vitruuij/ durch fonderliche Augenfcheinli-
che Figuren/ vnnd Teutfche Commentarien auß zu legen vnnd erkleren/

vnn̄d in denfelbigen/ weiter alle/ der Architectur angehõrige/ Mathema=
tifche Kũnft/ vnn̄d Mechanifche erfindung vnd Speculation/ auffſ al=
ler kũrtzeft zu handeln/ dardurch dann den felbigen/ welche diefer Kũnft
etwas verftendig vnn̄d geũbt/ die Lehr vnn̄d vnderrichtung Vitruuij/
wol hette gnugſam Klar vnn̄d verftendig fein mõgen. Dieweil aber in fol=
cher kurtze/ ſo vilfeltige andere/ der Architectur mittheilhaffte vnn̄d an=
gehõrige kũnft/ nit dermaffen haben tractiert/ oder fürgetragen werden
mõgen/ das die felbigen/ welche difer ding/ von mangel wegē andrer nũtz
licher/ vñ verftendlicher vnderrichtung/ wenig verftands haben/ folchen
aa iij nutz/

aa4^v

Vorrede.

nutz/ hierin hetten schaffen mögen/ als wol von nöten wer. Bitt ich aber
 mals weiter bewegt/ vnd verurfacht worden (damit je von mir weder ar-
 beit noch mühe gefpart wurde) in dem/ darinn ich nach meinem geringen
 verftandt/ für mein Perfon/ gemeinem nutz/ vnd aller fleiffigen Künft-
 ner wolahrt/ dienftlich vnd fürderlich fein möchte. Auch bey neben der ob
 gemelten verteutfchung der zehen Bücher/ der Architectur Vitruun/ vñ
 den verordneten Figuren vnnd Commentarien oder außlegung der felbi-
 gen/ alle der Architectur fürnembfte vnd notwendigfte/ angehörige Ma-
 thematifche Künft/ vnd fcharpffinnige Mechanifche Speculation/ vil-
 feltiger nutzlicher erfindung/ in fonderlichen Büchern/ zu handeln/ vnd
 dem vngeübten vnnd vnuerftändigen Lefer/ auff aller einfeltigft/ kler-
 lichft vnnd verftändlichft/ auß dem rechten gewiffen grund/ zu gemeiner
 einleitung der fcharpffen hochuerftändigen Bücher Vitruuij/ im Trnck/
 gutwilliglichen mit zu theilen 7c. Dieweil aber der hochuerftändig vnd vil-
 erfahren Architectus Vitruuius/ fein Bücher vnnd Schrifftarbeit alfo
 hoch gehalten/ das er fie würdig geachtet/ dem Großmechtigften Keyfer
 Julio erftlichen/ vnnd hernach Augufto/ als ein treffliches Gefchenck/
 vnd herrliche gab/ zu fonderlicher erzeygung der Danckbarkeit/ aller ent-
 pfangener gutthat/ zu Dedicieren vnnd vnder diefer beyder Römrichen
 Keyfer herrlichen namen/ vnd hohem anfehen/ zu publicieren. Welchem
 altherkommenen/ löblichen brauch/ auch alle diefelbigen/ welche dife herr-
 liche Bücher/ in mancherley frembden fprachen Tranßferiert/ vnd auch
 weiter von der Architectur angehörigen Künften/ gefchribē/ vnd gehan-
 dlet/ noch biß auff dife jetzige zeit/ auch weiter nach kommen vnnd erhal-
 ten/ alfo das fie ihre fcharpffinnige Speculation/ vnd was fie vermeint/
 gemeinem nutz vnd aller fleiffigen Künftner wolahrt/ fürderlichs vnnd
 Dienftliches erfunden zu haben/ daffelbig den mechtigften Potentaten/
 zu Comēdieren/ vnd das hohe vnd groß anfehen derfelbigen/ als ein ftar-
 cken Schutz/ vnd mechtigen Schirm/ zu fetzen/ jrer angewendten mühe/
 folcher Schrifftlichen arbeit. Hab ich abermals nicht gezweifelt/ jnen in
 folchem ehrlichen Exempel zu folgen/ derhalben auch E. F. E. W. als fon-
 derliche Hochgelehrte/ Hochverftändige/ Fürfichtige/ vñ Weife Herren/
 welche nicht allein in allen ehrlichen vnd Hochlöblichen Künften/ gnug-
 famlichen erfahren/ vnd mit vilfeltigen herrlichen vnnd trefflichen gaben
 Gottes/ reichlichen gezieret/ vnd Hochgeehret/ fonder auch aller ehrlichē
 löblichen Künft getrewefte/ miltefte/ vnnd Vätterlichfte erhalter/ auff-
 bringer vnnd befchirmer/ auch aller höchfte Mecenaten vnnd Patronen
 feind/ in fonderheit zu erwelen/ die Verteutfchung vñ geordneten Comē-
 tariē der Architectur Vitruuij/ deßgleichē auch andre befondre Bücher/

darin d^o Architectur angehörige künfft/ auffß verftendlichft gehandelt wer
dē/ vnd^o E. F. E. W. herrlichē vñ rhumreichē namē/ in Truck zu vererdnē/
vñ zu vilfeltigē vorthail vñ nutz allē Kunftliebhabern zu publicierē. Dañ
dieweil E. F. E. W. fonderlich freundlich gemüt/ vnd wolmeinung/ gegē
allē denen/ fo auch in geringē dingen/ gemeinē nutz vnd wolfahrt zu die-
nen je vnderftanden/ jederman kundt/ wie dañ auch E. F. E. W. Gottge-
fellig/ glücklich vnd fridlich Regiment vnd recht wolgeordnete Chriftli-
che Policey/ gnugfam anzeigē/ fo von jederman fürnemlichē als ein fond^o
liche ruhftat/ erhaltung vñ auffbringūg aller Kunft/ tugent/ Ehrlichē/
Künftli-

aa5^r

Vorrede.

Künftlichen vnd Lößlichen fachen/ je vnd je hochgelobt/ vnnd nit wenig verwundret worden/ zweiffle ich nicht/ es werde E. F. E. W. diefe geringe gab folcher meiner Schriffte arbeit angewendter mühe/ gutwilliglich von mir auff nehmen/ verhoff ich gantzlichen/ es werden folche Werck vnder E. F. E. W. hohem anfehen vnd herrlichen nammen/ allen Kunftliebhabern desto gefelliger/ vnd angeneher fein. Wo ich daffelbig fpüren werde/ bin ich gantzlichen des erbietens/ hinfür kein fleiß oder mühe zu vnderlaf fen/ alles daffelbig/ was in diefen/ vnd dergleichen/ gemeinem nutz vnnd allen Kunftbegirigen/ vortheilich vnd fürderlich fein mag/ E. F. E. W. zu ehren vnnd gefallen gutwilliglichen nach meinem höchften vermögen an tag zu bringen. Damit E. F. E. W. dem Allmechtigen Got/ der aller Obrigkeit verftandt vnd Weißheit gibt/ in feinen Schirm vnd Schutz befel hende/ Der Regiere/ Schütze vnnd Handhabe/ E. F. E. W. zu feines Göttlichen nammens Ehre/ vnd Gemeines Vatterlands nutz vnnd frommen. Datum Würtzburg.
16. Februarij. 1548.

E. F. E. W.

Vndertheniger.

Gualtherus H. Riuius Medicus
& Mathematicus &c.